

I. N. 3.

41

DISSERTATIONIS THEOLOGICÆ
DE

GEMINO
EXAMINE PASTORALI,

QUOD
SALVATOR

CUM DISCIPULIS SUIS

INSTITUISSE LEGITUR MATTH. XV. 16. SQQ.
ET JOH. XXI. 15. SQQ.

CAPITIS POSTERIORIS

PARTICULA PRIMA,

QUAM

CONS. MAX. VEN. FACULT. THEOL. IN REG. ACAD. ABOENSIS;

PRAESES

Mag. LAURENTIUS O. LEFRÉN,

S. S. Theol. Prof. Reg. & Ordin. nec non Ecclesiæ, quæ Christo in
Valle Gratiae, Reso & Merimasko colliguntur, Pastor,

RESPONDENTE

ERICO HÆGGQUIST,

Angermano, Stip. Reg.

Publicæ Bonorum Censuræ subjiciet

Die XVI. Maji A. R. S. MDCCCLXXXVIII.

In Auditorio Majori h. a. m. f.

ABOÆ, Typis FRENCKELLIANIS.



§. I.

Loco præfationis variæ adferuntur cauſſæ, cur hæc pars Dissertationis tam ſero in publicum prodeat.

Annus jam elapsus est quartus, ex quo priorem ſimpli-
cipes hujus Speciminiſ partem, non qua decuit,
ſed qua licuit cura concinnatam, in publicum pro-
dire jussimus. Suo igitur jure ex nobis exquirere po-
tērunt Lectores, qui committere voluerimus, ut hæc qui-
dem pars illam, post tantum demum temporis decurſum,
ſequeretur. Ne igitur *cūlpa* tantæ moræ in noſtra qua-
dam ignavia præter meritum ponatur, veras procrati-
nationis cauſſas paucis adulilſe non pœnitibit. Primum
quidem, cum admodum exiguo temporis ſpatio post e-
ditionem partis prioris, DIVINA decernente Providentia
& REGIA exequente Clementia, utroque illo munere,
quod speciminiſ necessitatē adulerat, ex voto potire-
mur, eo minus festinatione opus videbatur, quo diffici-
lius erat invenire commilitones, qui *impensam editionis*
& *operam defensionis* præſtare vellent, ex quo tractatio-
nem paulo prolixiorem fore inaudiverant. Deinde cum
neque *natura* neque *fortuna* nos eos elle voluerit, ut Le-
ctores a nobis eruditiora ingenii specimina exſpectare
poſſint, jure verebamur, ne continuatio hujus lucubratio-
nis parum Lectoribus *ad institutionem* prodeſſet. Præterea
adeo nos tæduit navorum prioris partis, qui ex nimia e-
den-

* } 3 { *

dendi festinatione originem duxerant, ut vel ideo tergi-
versandum videretur, ne horum memoriam nova parte
edita proderemus. Adeo enim iniquo temporis articulo
priorem partem necesse habebamus emittere, ut fieri non
posset, quin aliis atque aliis *obnoxia prodiret defectibus*.
Nam cum, REGIA favente *Gratia*, jure superioris cathedræ
aucti essemus, tam prope instabat dies ille decretorius,
ultra quem editionem speciminis prorogare non licebat,
nisi fine omnis suscepit laboris prorsus excidere velle-
mus, ut *tantillum temporis spatium prolixiori argumenti*
tractationi, quam prelo paratam habebamus, typis de-
scribendæ publiceque defendendæ non sufficeret. Cum-
que *mancum*, quam *nullum edere specimen consultius videre-*
tur, in necessitatem *coarctandi & contrahendi* incidebamus.
Quandoquidem vero gravi febri diutius fatigatis lecto-
que etjamnum detentis defungendum erat officio delen-
di & mutandi, fieri non poterat, quin subinde & animo
& oculo minus uteremur adtento. Hinc factum, ut in
hoc scripto passim desideretur illa *nexus concinnitas*, il-
la *partium conformitas*, quæ in pulchris opellis indispens-
abilis sunt necessitatis. Nobis certe ipsis, quibus forte
melius, quam aliis hos defectus animadvertere licuit, nun-
quam in mentem venit, ut hunc ingenii nostri fœtum
aliter intueremur, quam *arsa recens natum intuetur catu-
lum*, quem *nondum mater in artus finxit & in formam*
quantum capit, ipsa reduxit. Nihil igitur nobis unquam
magis inopinatum accidere potuit, quam ut hic noster
tam *incultus habitu*, tam *torvus vultu* fœtus viris adpri-
me doctis adeo arrideret, ut eum nihilominus in pul-
chris ponere dignarentur, nosque amicis rogarent litter-
ris, ut *fratrem natu minorem sibi quantocius demulcen-
dum mitteremus*. Quid? quod non defuerunt, qui eun-
dem haud indignum judicarunt, ex quo alias atque alias

mutuarentur lacinias, quas doctissimis suis commentariis adtexerent (a). Tantum vero abest, ut hæc oppellæ nostræ immerita fortuna nobis palpum obtrudat, ut potius modestiam nobis inspiret memoria versus illius veterum Græcorum: πολλάνι καὶ κυπεώς άντε μάλα κατέχεται. i. e. ut bene transtulit ERASMUS: *Sape etjam est olitor valde opportuna locutus.* Sed hæc hactenus. Nunc proprius ad propositum.

§. II.

Excusantur defectus, quibus hæc pars dissertationis laborare reperitur.

Nihil nobis nunc optabilius esset, quam ut hoc *posterioris Dissertationis caput*, priori emendatius ac concipi-
nius edere possemus. Sed jure tremur, ut ad hoc votum fortuna fluat, propter *maximam temporis inopiam*,
qua nunc, quam antea, multo gravius premimur, partim
quod acumen ingenii, *accedente propius sensu*, in dies
hebescere incipiat, partim quod, *aucto negotiorum numero*, experiri cogamur, quod tritus docet versus: *Pluribus intentus minor est ad singula sensus.* Quod si igitur
Lectores in his meditationibus plus verbosæ prolixitatis,
quam

(a) Hæc né cui vanius quam verius dicta videantur, nominare li-
ceat Virum profundæ eruditio[n]is, multisaria[re] lectionis, & quod
instar omnium habet, sinceræ pietatis laudib[us], si quis aliis, tam
extra quam intra patriæ fines florentissimum, Dr. Do&. And. O.
Knö[ss], Archipræpositum Scarense[rum] celeberrimum, qui hoc non ú-
no loco fecit in doctissimo opere Syccano, quod inscribitur: *Af-
handling om̄nib[us] m̄ndigheten at ej auvorlun de Jæra òn Guds Ód-
lærer, editumque est Upsaliz anno MDCCCLXXXVII, in 4to.*

quam nervosæ concinnitatis invertiant, quod non potest
non accidere, id non nostræ ipsorum incuria, sed ne-
gotiorum, quibus obruti sumus, multiplici difficultati tri-
buendum esse sciant. Præterquam enim, quod nunc cu-
ras nostras inter Ecclesiam & Academiam dividere necesse
habemus, humeris quoque nostris adhuc incumbit onus
multo majoris gravitatis, quod eos multis jam annis per-
petuo pressit, tantumque & laboris & sudoris postulat,
ut cum illi quantum satis est temporis tribuimus, paucæ
admodum horæ supersint, quas aliis meditationibus impen-
dere licet. Arduum loquimur negotium veram & bo-
nam concinnandi Translationem SACRORUM BIBLIORUM Vete-
ris Fæderis Svecanam, quod SACRAE REGIAE MAJESTATE
quindecim ante annos injungere nobis placuit. Hoc qui-
dem onus, quamvis sua ipsius natura tantum habeat gra-
vitatis, quantum nemo unquam homo æstimare potest,
nisi ipse operi manum aliquamdiu admoveat, eam tamen
nos nostra ipsorum imprudentia auctum ivimus (a). Nam
cum mandato REGIO satisfactum fuisset, si illa duntaxat
loca nobis emendanda suscepissemus, quæ gravioribus
fœdata erroribus veritati cœlesti manifestum adferrent
detrimentum, nobis hoc datum putavimus negotium, ut
singulorum Librorum cobarentem adornaremus translatio-
nem, quæ per omnia, quoad ejus fieri posset, verum

A 3

Te.

(a) Quum primum opere manum admoveare incepissimus, hoc fecuti
eramus institutum ut non nisi turpiores tolleremus errores. Ex
quo vero hoc perinde ineptum esse deprehendimus, ac si quis us-
teri vesti novos adfueret pannos, mutato consilio, eam, quam dixi-
mus, viam ingressi sumus. Hoc iunctitum adeo se iis, quorum in-
tererat, probabat, ut datis litteris nos serlo hortarentur, ut ne
graviori isti labori humeros nostros subduceremus, sed perpetuo,
qua ceperamus via, pergeremus, quod etiam qua potuimus sedu-
nitate fecimus.

Textus sensum exprimeret, quod fieri non poterat, nisi singula verba & singulas formulas seorsim sub examen vocaremus. Quod vero *nova illa*, quæ lucem adspicerunt, *emendationum specimina*, ulterioris *castigationis* adhuc visa sunt *indigā* (b), nuper nobis injunctum est eadem denuo percensere & novam *adhibere spongiam*, qua inventæ adhuc maculæ abstergi possint, adeo ut Lectores eo magis nos excusatos habere debeant, quod minus *nervosum* & *concinnum* sit *scriptum*, cui elaborando inter tot curas incumbendum fuit. Sed nondum cunctas excusationis causas adduximus. Quod hoc tempore nobis absolvendum est pensum, id consistit in translatione *utriusque Libri Chronicorum* qui cum maximo scateat numero *varian- tium Lectionum*, eo facilius intelligitur, quam paucas horas continuacioni Dissertationis impendere liceat, quamque difficile sit dignum laude scriptum inter tot *curarum agmina concinnare*. Quod si quis, *habitum* hujus speciminis intuens, se non tam *Dissertationem Academicam*, quam

(b) Hoc si cui videatur mirum, mirari desinet simulac *veras indigenitiae causas* audiverit. Præterquam enim quod nemini mortaliū tantum vel lumen vel acumen contigit, ut *omnia cernere queat*, fieri quoque potest, ut in iis, quæ paulo faciliora sunt, *oculatissimi* etiam interdum *lippiant*. Sed alius quoque easus incidere potest, ut nimirum non id semper adoptetur, quod optimum sit, propter *dissensum plurium*, qui illud perspicere nequeunt. Hoc Scribentibus in memoriam venit Litterarum, quos multos ante annos ad nos dedit B. ArchiEpiscopus, Reverendissimus Dn. Doctor C. F. Menander, qui ad clavum sedebat Collegii Litterariorum, cui cura *emendandi translationem Sacrorum Bibliorum commissa est*, quibus id egit, ut, hujus *incommodi evitandi causa*, nos Aboe Upsaliam *invitaret*. Quamvis enim has Litteras nomine Collegii scriptas sciret b. Amicus noster, vir omnibus nostris laudibus superior Dn. Professor C. AURIVILLIUS, suas tamen adjiciebat, in quibus idem inusitata viro vehementia urgebat, inter alia his usus verbis; *Fdr Guds stull kom hidsver! Wi blifwa dñwrrbstade &c.*

* * * *

quam Sermonem Ecclesiasticum videre dixerit, non magnopere repugnaremus, nisi sciremus, ab utroque Scripturæ genere abesse debere vitium loquacitatis, quod hic per temporis penuriam evitare non potuimus. Facilius enim est pauca multis, quam multa paucis comprehendere. Hæc prolixitas in causa est, cur integrum caput practicum simul edere nequeamus, quippe quod prohibet res angusta domi Juvenis naturæ dotibus, quam fortunæ muneribus ornatoris, qui nobis impensam editionis & operam defensionis præstare pollicitus est. Quamvis autem hanc lucubrationem tam tersam & comtam exhibere nequeamus, quam optavimus, ita tamen nobilissimum hoc argumentum tractare conabimur, ut in omnibus ejus partibus sincera & illibata reluceat veritas, non aliunde, quam ex puris & sanis SACRARUM LITTERARUM fontibus hausta, valere jussis omnibus tricis, quas malesana Scholasticon industria peperit. Quod si autem huic conatu minus ex voto responderit eventus, nobisque præter opinionem acciderit, ut aliquid inveniatur admixtum, quod non tam sinceritatem verbi Divini, quam futilitatem ingenii nostri redoleat, id ut ab animo nostro alienum putent Lectares, ob eamque caussam nos non indignos venia judicent, eos quo decet studio & officio rogamus.

§. III.

Protocollum Examinis Pastoralis practici describitur, brevissimis observationibus subjunctis.

His igitur præmissis, ad ipsum properamus institutum. Quemadmodum igitur pr. p. §. II. ob eaussam ibi allatam, integrum descripsimus pericopam; March. XVI. 16. sqq.

) 8 ()

sqq. quæ protocollum Examinis Pastoralis THEORETICI continet, ita hoc quoque loco integrum pericopam Joh. XXI; 15. Sqq. quæ Protocollum Examinis Pastoralis PRACTICE complectitur, ob rationem plane similem, descripsisse jubarit. Verba Evangelistæ Græca sic habent: v. 15. Ὄταν ἐν ἡγεσισαν, λέγει τῷ Σίμωνι Πέτρῳ ὁ Ἰησὸς Σίμων Ἰωνᾶς, ἀγαπᾶς με πλεῖον τέτων; Λέγει ἀυτῷ Ναὶ Κύριε, Σὺ σίδης ὃς τι Φιλῶ σε. Λέγει ἀυτῷ Βόσκε τὰ αργιλα με. v. 16. Λέγει ἀυτῷ πάλιν δευτεροῦ Σίμων Ἰωνᾶς, ἀγαπᾶς με; Λέγει ἀυτῷ Ναὶ, Κύριε Σὺ σίδης ὃς τι Φιλῶ σε. Λέγει ἀυτῷ Ποιήσω τὰ πρόβατά με. v. 17, Λέγει ἀυτῷ τὸ τερτοῦ Σίμων Ἰωνᾶς, Φιλεῖς με; Ελυπήθη ὁ Πέτρος, ὃς εἶπεν ἀυτῷ τὸ τερτοῦ Φιλεῖς με; καὶ εἶπεν ἀυτῷ Κύριε, Σὺ πάντα σίδης Σὺ γινώσκεις ὃς τι Φιλῶ σε. Λέγει ἀυτῷ ὁ Ἰησὸς Βόσκε τὰ πρόβατά με κ. τ. λ. Quæ in hoc continentur protocollo, ea ad tria in universum momenta redeunt palmaria, quorum primum EXAMINATOREM, medium EXAMINANDUM & ultimum ipsum EXAMEN respicit. *Examinator*, qui in protocollo Examinis pastoralis theoretici dicebatur ΧΡΙΣΤΟΣ, quod nomen duo alia, nimirum νις τε Θεος τε Ζωτος & νις τε ἀνθρώπος sub se continet; in hoc protocollo nominibus ΙΗΣΟΥ & ΚΤΡΙΟΥ insignitur, de quibus seorsim in sequentibus agere instituimus. *Examinandus* Salvatori SIMON Jone, Johanni vero PETRUS dicitur. Mysterium quod ex hac diversa appellatione exculpere solent, qui de ea re curiosus, quam fructuosus disputare malunt, nostro quidem judicio, purum putum est figmentum (a). Prudentius faciunt, qui ad ea ad-

(a) Ideo scilicet Jona filiam non Petrum, sed Simonem appellatum putant a Salvatore, ut ille pudefieret, seque, turgidissimo lapsu commisso, indignum adgnoseeret, qui tam egregio & eximio insigniretur nomine. Sed hoc duplici nomine falsum esse, nullo negotio ostendi potest. Primum quidem ex Concordantiis constat, Salvatori solamine admodum fuisse hunc discipulum nomine pro-

9

ea adtendunt, quæ vere ad scopum examinis pertinent,
quorum ante omnia referri debet sapientissima & dili-
gentissima præparationis cura, quæ Salvator id egit, ut
PETRUS redderetur idoneus ad tam rigidum & severum
examen feliciter subeundum. Circa ipsum examinandi a-
ëtum, cuius scopus singularem meditationem meretur, de-
inceps instituendam, hic tria seorsim abservamus: 1:0
Materiam, quam una quæstio de AMORE exhibit, 2:0 *For-
enam*, quam terna ejusdem quæstionis repetitio exprimit,
3:0 *Eventum*, qui ex ter repetito mandato pascendi ovi-
culas Christi intelligitur, de quibus singulis infra suis lo-
cis pluribus agendum. Hic vero in antecessum, quoad
licet, expedienda videtur non injucunda quæstio, cur Sal-
vator, cum in eo est, ut suum ipsius peculium curæ Pe-
tri commendet, illud primo loco ἀγεία, agnellos, dein-
ceps vero tum secundo, tum tertio πρόσθατα, oves, adpel-
let? Nec non cur PETRUM, quos primo & ultimo loco
βοῶνεν, pascere, jubet, eos medio loco ποιμάνεν, ducere,
jubeat? Cum Vulgatus interpres, qui & primo & secun-
do in loco agnos transtulit, variantem Lectionem expres-
sisse

B

prio Simonis insignire, adeo ut vix bis eum ante lapsum nomine
Petri adpellaverit. Neque verisimile est, Petrum bac occasione
hac castigatione equisse. Quantum enim ex circumstantiis collige-
re licet, ad contrariam sententiam prior est via. Omnia certe
hic ita instituisse legitur Salvator, ut potius ad consolationem,
quam ad confusione Simonis spectasse videantur. Qui igitur hanc
eventur opinionem, ii puram putam principii petitionem commit-
tunt. Et si a nobis queretur, quomodo in hanc suspicionem
incidente potuerint, aliter respondere non possemus, quam quod o-
ptimum SALVATORIS animum ex pessimo hominum animo metien-
tes, ea Salvatorem fecisse sonniarunt, quæ se ipsi in casu simili
faustos intelligunt. Plura hic non addimus, cum quæ addi pos-
sent locum restius inveniant infra, ubi tractanda venit quæstio,
cur Salvator Petrum TER de amore sui interrogaverit?

esse videatur, quæ pro πρόβατοι secundo loco habuerit πρόβατα, non supervacuum est querere, quo fundamen-
to hæc nitatur Lectio? Fatendum est, nullam versionem an-
tiquam, præter hanc unam Latinam, & nullum Patrem Græ-
cum aliter legisse, quam *Textus typis expressus* legit, nec
ullum Codicem Græcum MANUSCRIPTUM hactenus inventum
esse, qui Lectionem vulgati confirmet. Quamvis igitur
facile fieri potuerit, ut iota omnino hic habuerit Auto-
graphum Johannis, ii tamen non sumus, ut vere habui-
se, sine testibus adfirmare audeamus. Quod si vero pro-
staret alicubi bonæ notæ Codex, qui πρόβατα pro πρό-
βατα haberet, illam ipsam variantem Lectionem eo mi-
nus dubitaremus admittere, quo clarius tunc adpareret,
nomina figurata ἀγέλη, πρόβατα, πρόβατα idem prorsus
dicere, quod nomina magis propria παριδια, νεονῖκοι, πα-
τέρες, quæ tres Christianorum ætates, non multitudine an-
norum, sed magnitudine profectuum æstimandas indigent I. Joh. II: 12, 13, 14. Si lectio *Vulgati* vera eset,
optime reddi posset ratio, cur de *juvenibus* adhibitum sit
ducendi verbum ποιμάνων, quod huic ætati maxime con-
venit (b). Quidquid fuerit, adpellatione ἀγέλων quam vi-
vidis-

(b) AMOR Christi, æternas Sapientiæ regulas sequitur. Etatum pri-
ma & ultima, *infantilis* & *senilis*, pastu contentæ sunt, media,
juvenilis, ob turbam *affectuum*, quæ hujus atatis propria est, si-
mul opus habet *dutiu* prudentiorum, quo affectus in gyrum ratio-
nis cogantur. Sic se res habet in hominibus *naturalibus*. Idem
pari modo usu venit in *spiritualibus*. Hoc non intelligunt, qui
ætatem Christianorum *infantilem* ponunt in statu *servitutis*. *Ve-*
rurus & *vivus* autem *Christianus* initium capit in *regeneratione*.
Qui nuper experti sunt gratiam regenerationis, ii in gremio quasi
materno securi cubant, una fungentes eura *lattendi* & *diligendi*.
His primus tribuitur amor, qui plurimum habet *teneritudinis*, num-
quam defectus. Apoc. II: 4. Ratio hæc est, quod ἐγγόνες τὸν
πατέρα, paternum DEI *affectum*, remissis pecatis, sentiunt I. Joh.

*) ii (*

vidissime exprimitur ingens teneritudo amoris, quo SAL-
VATOR suum complectitur peculium, cujuscunque fuerit æ-
tatis. Quemadmodum vero ignis ignem, ita amor amo-
rem accedit. ἡμεῖς ἀγαπῶμεν αὐτὸν, ὅτι αὐτὸς πρῶτος ἡγά-
γειν ἡμᾶς I Joh. IV: 19.

§. IV.

De Examinatoris nominibus Ioseph & Kueis incipit agere.

Quoniam vero igne amoris CHRISTI accendi nequit
animus humanus, nisi Eius vera & viva imbutus fuerit co-
gnitione, id ante omnia agendum, ut fontem aperiamus,
ex quo ea cognitio ubertim hauriri queat, Si Textum
nostrum inspiciamus, duo invenimus nomina Ioseph & Kue-
sos, quæ tantas amoris divitias in recessu habent, ut qui
Eum talem cognoscunt, qualem hæc Eum describunt, ii ni-
hil unquam neque intra, neque extra mundum invenire
possint, quod Eum reddat digniorem, qui ab omnibus,
et ante omnia & supra omnia AMETUR. De utroque seor-
sum, & quidem de nomine Kueis primum. Kueos Græco-
rum & Dominus Latinorum pari passu ambulant. In Sa-
cris Litteris idem quandoque valent, ac nomen יהוּי He-
braorum, quod majoris est virtutis, quam ut uno voca-

B 2

bulo

II: 14. Hæc ætas, propter inoplam prudentiæ, ad arma nondum
matura domi est, non militiæ. Contra medie ætatis, τῶν γενειο-
κῶν, propria est virtus, victoriæ genetrix, ἰσχυρός ἐσται, καὶ νενίκη-
ναι τοὺς πονερούς v. 14. Tertia ætas, πατέρων, victoriis pri-
us partis fruitur, intra mania vitam agens tutam, ὅτι εγγνωμα
τὸν ἀπ' ἀρχῆς.

bulo in *ulla alia* exprimi possit *lingua* (a). Duplici vero nomine *Kύριος ἡμῶν*, *Dominus NOSTER* est, *jure CREATIONIS* Joh. I: 3. Ebr. I: 2. & *jure REDEMPTIONIS* Eph. I: 7. 14. Col. I: 13, 14. Ad hoc posterius hic præcipue adtendi
mere-

(a) Nomen *Jehova*, quatenus originem debet verbo effendi יהָוָה. *אֶתְנָה*, eum dicit *Dcum*, qui *EST*, h. c. qui non nudo & solo *nōmine*, sed vero & vivo numine est Deus. Quare Petrus, in Examine Pastorali practico illum ipsum, qui se nomine Θεοῦ καὶ Θεόπτητος insigniverat, sine hesitatione Θεὸν τὸν Θεὸν Ζώντος adpellat Matth. XVI: 16. Hoc igitur nomine opponitur *DEUS verus* *Dii* gentium *putatitius*, qui *nōmine*, non *numine* *Dii* erant, utpote ex mortua fabricati materia, nullam vitam, nullum spiritum intus habentes. Cumque ideo nihil praestare possent coruri, quæ ab eis precibus postulabant, quod ad divinitatem attinet, purum putum erant nihilum. Οἰδαπέντε οὐδὲν εἴδωλον εὖ κόσμῳ 1 Cor. VIII: 4. Quaterius vero hoc nomen *formam* habet *futuri temporis*, quod apud Hebreos, significationem involvit *perpetuitatis*, multo adhuc evadit significantius, eum signans *Deum*, qui omne quod est & habet, *perpetuo est* & *habet*, sine ullo perfectionum aut augmento aut detimento, sine ulla earem aut mutatione, aut variatione. Non desunt qui hoc nomine יהָוָה omnia tria tempora יהָה הָרָה qui est, יהָה יְהָה erit, una voce exprimere contendunt. Ad hoc dígitum intendisse videtur *Sanctus JOHANNES*, cum hoc nomen circumloquitur ὁ ἀν., ὁ ἄν., καὶ ὁ ἐρχόμενος Apoe. I: 4. E. XI: 17. l. εσόμενος, ut alii in Codicibus legitur. Verbo: *DEUM* dicit *æternū*, qui *nunquam mutatur*, *nunquam variatur*, sed *semper idem*, *semper sui similis* est ab *æterno* in *æternum*. Præcipue vero hoc se nomine insignire solet *Deus* in edendis orationibus, cum immutabilem suam *veracitatem* adstruere vult, unde in vaticiniis nihil haec formula יהָוָה כָּן, frequentius. Hinc in Sacris Litteris N. F. hoc nomeni sæpius redditur ὁ ἀληθίνος, præsertim ubi de Christo prædicatur, v. 9. I Joh. V. 20. 21. Ratio hæc est, quod ὅσαι επωγγελιοι Θεοί, εὖ αὐτῷ τῷ νοῖ καὶ εὐ αὐτῷ τῷ αὐτῷ εἰσι 2 Cor. I: 20.

meretur. Sed quid sibi vulnus nomen *Kύριος* in relatione ad opus redēptionis? *Kύριος καὶ δέλος, Dominus & Servus* eodem modo correlata sunt, quo pater & filius. Quemadmodum igitur pater est, qui habet filium, ita Dominus est, qui habet servum. Hic igitur gravissima incidit quæstio, quibus potissimum rebus efficiatur, ut alter alterius fiat Dominus, & alter alterius evadat servus? Dominus igitur evadit qui aliquem aut *bello captum*, aut *precio emtum* sibi ut servum adpropriat. Utroque modo Salvator nos in suam redigit potestatem. Qui alterutrum horum modorum negat, is neutrum recte admittit. Redenti quidem sumus *precio* I Cor. VI: 20, VII: 23. Sed hoc pretium non consistebat in *nummis* ex *auro* aut *argento* paratis, verum in *preiosissimo Sangvine Christi* tanquam agni *immaculati* I Petr. I: 18. (b). Quo tamen nomine ipse Apostolus nos in memoriam redire jubet omnia, quæ CHRISTUS olim *passus est*, ut nos injusto pessimoque *tyranno Diabolo* erectos Deo legitimo *Domino* vindicaret. Quem enim nisi puerilem Litteratorem fugit, nomine *sangvinis omnium passionum* genera comprehendit? De his plura hic monere supercedemus, cum alterum nomen *Incessus* paria monendi occasionem suppeditare possit. Unum tamen in gratiam Lectorum nominalium (c) hoc loco non
B 3 præ-

(b) Quando *Sangvis Christi* nomine *pretii* venit omni vanitate va-
nior est quæstio eorum, qui stulte postulant, ut sibi indicetur cui-
nam hoc pretium sit solutum, *Deone?* an *Diabolo?* Ipfa enim de-
nominatio *sangvinis* haud obscure indicat, Christum nos a *pris-
tino Domino*, qui nos *fraude circumventos in servitatem redegerat*,
non nisi *cruenta VICTORIA* eripere potuisse. Hoe novisse suffi-
cit. Rem subtilius dissecare nihil adtinet.

(c) Hoe nomine insignire licet eos, qui de *vocibus*, quam *rebus ma-
gis* solliciti, his tanquam *latrunculis* ludere, quam illas in usus
convertere malunt, quorum nomen legio est.

præteriisse juvabit, nomine servitutis, in quam nos CHRISTUS suæ ipsius vitæ impendio redigisse dicitur i Cor. V: 15. offendì debere neminem. Toto enim cælo distat servitus CHRISTI a Servitute Diaboli. Hæc vere Servitus est, quippe quæ froenum ipsi injicit rationi hominemque ea facere cogit, ex quibus æternum sequitur exitium, illa vero, quamvis nomine servitutis veniat, ipsa tamen veritate dulcissima & suavissima est libertas, quippe quo nomine etiam sæpiissime in Sacris Litteris venit. v. g. τῇ ἐλευθερῷ Ἐν, ἡ χριστὸς ὑμᾶς ἐλευθερώσε, σύμετε, καὶ μὴ πάλιν ζυγῷ δελεῖσας ἐνέχεσθε Gal. V: 1. Εἰσὶν ἦν ὁ οὐρανὸς ὑμᾶς ἐλευθερώση, οὐτως ἐλευθερος ἔστεσθε. Item: η ἀλήθεια ἐλευθερώσει ὑμᾶς Jōh. VIII. 32. 36. Quare etiam doctrina Christi Jacobo dicitur Νόμος τέλεios ὁ τῆς ἐλευθερίας Epist. Cap. I: 25. De libertate egregie differit CICERO. Quid, inquit, est Libertas, nisi facultas sic vivere ut velis? Quis autem vivit ut vult, nisi qui recta sequitur? qui delectatur officio? Quæ recta sunt scire, quæ talia sunt velle, quæ voluntas decrevit, ea exequendi facultate gaudere, atque ex hac executione sinceram percipere voluptatem, talia certe sunt, qualia non nisi a VERO CHRISTIANO exspectari possunt. Hoc generis libertatis destituuntur homines mere naturales, ea vero potiuntur quotquot SALVATORIS se submittunt dominio, tantumque tum interiorem, tum exteriorem sui hominem ipsius salutari sanguini, mundandum, sanandum, exbilarandumque permittunt. FINIS enim redēctionis est, non ut nobis, parata venia, perpetuam peccandi licentiam largiatur, (d) sed

(d) Tantam stultitiam licet nemo homo disertis positeatur verbis, eam tamen certis factis produnt omnes, qui proæreticæ peccandi licentia infinitas gratiæ Divinæ divitias prætexunt, quod perinde insanum est, ac si quis, perito praesente medico, non dubitaret de industria ipse sibi oculos effodere, aures præciders, manus amputare, crura frangere & sic porro.

* * 15 *

sed ut, abolito peccati DOMINIO, DEO serviamus sine metu
in sanctitate & justitia omnibus diebus vitae nostræ Luc. I:
71. 72. 73. 74.

§. V.

De nomine Ihesus seorsim agitur.

Quæ ulterius de nomine Kys' adduci possent monita, ea facile intelligentur ex adtentiori consideratione alterius nominis Ihesus, ad quam nunc pedem promovere volumus. Quid hoc omni dulcedine dulcius nomen in recessu habeat, omnium optime intelligitur ex interpretatione Angeli Gabrielis: καλέσεις τὸ ὄνομα αὐτῆς ΙΗΣΟΥΣ, Αὐτὸς γὰρ σώσει τὸν λαόν αὐτῆς απὸ τῶν αἰματιῶν αὐτῶν Matth. I: 21. Vis nominis ex verbo σώσειν pendet, cui Salvandi, sanandi & liberandi potestas tribui solet; unde ab aliis SALVATOR, aliis SOSPITATOR, aliis SERVATOR seu LIBERATOR. transfertur. Eodem redeunt omnia. Generatim amissæ felicitatis RESTAURATOREM involvit. Quæ sub hac notione generali comprehenduntur notiones *speciales*, ex æstimandæ veniunt ex indole magni illius mali, ex quo liberrari debemus, si non fallam, sed veram, non mancam, sed plenam, non perituram, sed perpetuam & sempiteram adipiscamur felicitatem. Hoc malum quamvis una voce peccatum enunciari possit, tanta tamen verietate effectuum hoc se prodit, ut ad eos rite depingendos sexcentis metaphoris opus habeant SACRAE LITTERÆ. Proprie loquendo ævum est, I Joh. III: 4. violatio juris & legis, cuius immediatus effectus est CULPA, mediatus POENA. Quum DEUS leges nobis præscribit, non hoc agit, ut in nos superbum exerceat imperium, quod ad statum nostrum tedium sorem & infeliciorem reddendum pertineat, sed contra, ut nobis

bis animum ostendat paternum, exinde agnoscendum, quod leges nibil aliud sunt, quam idonea indicia, quæ viam, quæ felicitas inveniri & infelicitas evitari possit (a), ex voto demonstrant. Interea animum humanum ita pervertit peccatum, ut sibi omnia contraria imaginetur, Deumque non ut benevolum & beneficium PATREM deligant, sed ut malevolum & maleficum HOSTEM odio habeant. Quo autem nomine hoc vitium rectius venire debet, quam morbi? Huic igitur malo opus est medico, qui illi idoneum adplicet emplastrum. Quod si igitur significationem nominis Ἰνος a σώσει sanandi verbo deductam sumiseris, facile intelliges nomen & omen amicissime consentire. Praeterquam vero, quod peccatum rationem habet morbi, qui hominem cæcum, surdum, mutum, stupidum, stolidum menteque captum efficit, usu quoque venit, ut personam improbi ferat domini, qui eum minis & plagis ad ea patranda cogit, quæ ipse noxia esse perspicit, quæve proinde, si sui esset juris, omittere, quam committere mallet. Hoc in casu opus est LIBERATORE, qui, victoria reportata, maleficum dominum promeritis constrictum vinculis

(a) Hunc scopum omnes leges prefixum habent. Et quum adeo corrupta atque perversa sit natura humana, ut Legibus parere onus etna gravius potent homines mere naturales, necesse est, ut medicina adhibita sanetur natura, si felicitati locus erit. Neque enim fieri potest, ut vitam vivas beatam, si te perpetim in dira peccatorum luto voluntaveris, SALVATOREM fingens, qui nihil si aliud, quam ineptus peccatorum servus, fætentia vulnera lavandi quam sanandi peritior, ob eamque caussam alias ab eo, quem Sacrae Litræ describunt & homines vere resipiscentes summo cum gaudio experimentis agnoscunt. Qnamvis autem hæc ita se vere habeant, non ideo tamen nulla sunt peccata regenitorum, justificatorum, Sanctificatorum & Liberorum. Verum est utrumque: πᾶς ὁ ἐν αὐτῷ μένων, ἔχει αμαρτίαν & Ἐάν εἴπωμεν, οὐτι αμαρτίαν οὐκ ἔχομεν εἴατες πλανῶμεν I Joh. III. 6. I. 8.

17

tulit in carcere conjicit, miserum vere servum in perennem vindicat libertatem. TALEM Liberatorem innuit nomen Ἰησοῦς, quatenus originem repetit a verbo γεννητός, quod proprie, ut lingua docet Arabica, latitudinis & amplitudinis significationem habet, unde cum de captivis sermo est, illum denotat actum, quo *victor*, *solutis vinculis* & *adaperta custodia*, *vincitum amabili restituit libertati*. Quando *Salvator* ideo hoc nomine insignitus dicitur, ἵνα τὸν λαὸν αὐτῷ, nomen Λαὸς neque totum significat mundum, neque totum populum Iudaicum, sed illum duntaxat cætum ex omnibus collectum gentibus, qui ipsum ut suum JESUM, suum DOMINUM vera & viva recepit fide. Huic enim sibi tam felici esse licet, ut exoptatissimo salvationis & liberationis beneficio fruatur, sibique de DOMINO omnium & ditissimo & mitissimo gratulari possit. Hoc sanandi & liberandi beneficium, quo nihil vel mente concipi potest excellentius, nefaria audacia minueres, si illud ad solum JUSTIFICATIONIS cætum restringeres, nec aliud involvere contenderes, quam ablationem culpa & ablationem pœna, quæ peccatoribus pœnitentibus molestæ sunt. Quid te magnopere invaret beneficium, quod non aliud efficeret, quam ut brevissimo temporis spatio ex deleta culpa priorum peccatorum & remissa eorundem pœna dulcissima solatia & lætissima gaudia caperes, si paucis post horis necesse haberes novam culpam contrahere, novam pœnam metuere, & tota tua vita nihil aliud esset, quam perpetuus fluxus & refluxus peccatorum, quorum astus reciprocus nunc gaudiis & solatiis, nunc doloribus & terribus conscientiam inundaret? Quamvis enim hoc justo saepius usu venire soleat, id tamen non ideo evenit, quod SALVATOR minori sanctificandi, quam justificandi virtute polleat, sed ideo quod peccator, primis gratiæ radiis contentus, salutem non tam intra, quam extra CHRISTUM

quærit, cum tamen non alias vere Christianus sit, quam
 qui è *Inoꝝ Chriſtō* èſi mihi natuſa oīlla natuſa pñēuſa pñēuſa
 natuſa Rom. VIII. 1. JESUS enim CHRISTUS nobis a Deo
 factus est oīloꝝ, dñasorū te nati oīgiasorū nati apolútēoris. I
 Cor. I: 30 Qui Eum vera & viva recipit fide, is IN ipſo
 & cum ipſo recipit omnia, quæ, ut Redemptor, eſt & ha-
 bet. Neque enim dividi potest CHRISTUS, ut aut nobis
 Sapientia fiat absque Justitia, aut Justitia absque Sanctitate
 aut Sanctitas absque Libertate. Aut enim totus aut NUL-
 LUS recipitur. Hæc receptio ſi recte ſe habet & non
 tam vana oris profeffione FINGITUR, quam vera cordis con-
 victione SENTITUR, hominem ſimul & ſemel GRATIÆ rege-
 nationis, justificationis, sanctificationis & liberationis partici-
 pem reddit. Quamvis enim ditiffimum Dei beneficium, quo nos
 ex Filii iræ FILIOS gratiæ facit, tam multa & varia con-
 tineat munera, ut omnia uno exprimere verbo non lieeat,
 ideo tamen quod Deus illud multis & variis repræſentat
 METAPHORIS, non temere credendum, alias atque alias
 beneficii partes aliis atque aliis conſerri actibus, quorum
 aliis ab aliis diversis temporum intervallis ſejuneti ſint.
 Neque hoc magnopere mirandum eſt, cum idem uolu-
 quandoque veniat in regno naturæ, ut una eademque
 CAUSSA uno eodemque Actu alios atque alios producat Ef-
 fectus aliis atque aliis insigniendos NOMINIBUS, qui ta-
 men temporum intervallis non separandi ſunt. Sic cum
 terra ſuum in gremium recipit pluviam, ex arida ſit hu-
 mida ex aspera glabra, ex dura mollis, ex ſterili fertiliſ.
 Quæ igitur Deus ſua ſapientia conjuxit, ea homo ſua
 insipientia ne ſeparet. Quod vero caput rei eſt, id hue
 reddit, tam multa & magna eſte beneficia, quæ Deus no-
 bis per nostrum Inoꝝ & nostrum Kó̄giov conſert, ut qui ea,
 uti par eſt, grato perpendit animo non poſſit non Eum

ex

ex toto animo & omnibus mentis viribus diligere. Σμω
Ιωνα, αγαπᾶς με; Να, Κύριε Σὺ εἶδας, Σὺ γνώσκεις.

§. VI.

De officiis Sapientissimi Examinatoris.

Quæ hactenus de nominibus Sapientissimi Examinatoris, non qua voluimus, sed qua potuimus disputationis soliditate commentati sumus, ea adhuc clarius illucescere poterunt, si in subsidium vocaverimus quæ Theologi de variis *Ejus officiis*, Sacra præeunte Scriptura, præcipiunt. Quamvis vero multa & varia sint officia, quibus SALVATOR necesse habebat defungi, ut magnum illud perficeret opus, propter quod, humana induitus natura, in mundum venerat, ita tamen comparata sunt omnia, ut ad numerum ternarium commode reduci possint. Nullum enim est, quin aut ad Propheticum, aut ad Sacerdotale aut ad Regium pertineat officium. Quod ultimo nominavimus loco, id ipsum continet scopum, ad quem per duo priora officiorum genera gradlandum fuit. *Præcipuum nomen*, quo SALVATOR. o. m. in Sacris Litteris insignitur, est ΜΙΣΘΩ, *Messias*, quod Græce χριστός Latine *Unctus* valet. Hoc vero nomen proprie erat Regum, id quod historia *Saulis*, *Davidis* & *Salomonis* extra controversiam ponit. Sic simpliciter pro rege ponitur *unctus* Ps. xxviii. 8. Lxxxiv. 10. Lxxxix. 52. Habac. iii. 13. Nonina vero *Regis* & *Uncti* alternant 1 Sam. ii. 10. 2 Sam. xxii. 51. Ps. ii. 2. coll. 6. xviii. 51. 2 Macc. i. 24. Quare non solum Judæi, sed ipsi etiam Discipuli SALVATORIS cum de *Messia* loquuntur, frequenter *regni* mentionem faciunt. Ut Rex est accusatus, ut Rex condemnatus, ut Rex crucifixus. Nec e longinquò petenda

est ratio denominationis. Omnia enim, quæ Christus vel docendo vel patiendo efficiebat, eo comparata erant, ut *Rex noster* fieri posset. Quod hic fuit Scopus, ad quem omnia collineabant, exinde haud obscure intelligitur, quod per CHRISTUM restituendum erat quidquid per Adamum amissum fuerat. Quid igitur amissum erat? REGNUM DEI. Nam per lapsum defecerat Adamus a Deo tanquam REGE, violata lege, quam ipsi prescriperat. Quid vero restituendum erat? REGNUM DEI (a). Hinc cum in eo est Salvator, ut quam brevissime describat immensas felicitatis divitias, quæ nobis docendo & patiendo paraverat, uno nomine regni infinitum hunc thesaurum comprehendit. Metœcetes (b) inquit, ἡγγίνε γάρ η βασιλεία τῶν σπουδῶν Matth. III. 2. IV. 17. X. 7. Marc. I. 15. Luc. X. 9. 11. Quæ hujus quidem appellationis ratiō sit, non aliunde clarius constat, quam ex verbis Christi, quibus Pilato, num Rex eslet, quærenti respondebat: Η βασιλεῖα οὐ εἰναι ἐκ τῆς Κοσμής τέτοια Joh. XVIII. 36. Quo quidem responso significare volebat SALVATOR, suum Regnum non fore regnum mundanum, in quo gloria fulgebat iudicata, quippe quod armis mundanis neque condendum, neque propagandum, neque defendendum erat. Quum vero addit Salvator: Εἰς τέτοιο ἔλληνας εἰς τούς νόσους, τοὺς μαρτυρεῖσθαντας αἱ λαζαλαὶ l. c. satis distincte indicat, hoc regnum non ore gladii, sed gladio oris occupandum & vindicandum esse. In hoc igitur regno omnis felicitatis cardo vertitur in veritate & in testimonio, quod ipse Rex veritati tribuit. Hoc loco non prætereunda est emphasis, quam vox veritas habet. In Sacris enim Litteris, non nudum indigit attributum sermonis, quo veram non falsam exhibit doctrinam, sed attributum quoque denotat actionum, quo haec justæ non injustæ sunt c). Quando igitur Salyator mentionem facit testimonii quod veri-

veritati datus erat, tunc ad utramque veritatis notio-
nem respicit. Neque enim in mundum venerat filius
DEI unigenitus hoc solum fine, ut *verum* dicere, sed etiam
ut *justum* facere doceret homines. Venerat enim Ἰησος λύ-
σαντα τὰ ἔγρα τῆς διάβολος I Joh. III, 8. Hæc quænam sint
opera, pluribus exposuimus parte pr. §. VIII. pag. 32. 33.
34. quorum summa huc redit, Diabolum *blasphemis* suis
mendacibus eo absurditatis & perversitatis deduxisse Proto-
plastos, ut, qui prius pia simplicitate *crediderant*, *verbum*
Divinum nihil nisi sinceram & illibatam esse *veritatem*,
ipsum vero DEUM haud aliter respiciendum ac *Patrem*
benignissimum & *REGEM beneficentissimum*, ii, sacrilega *Diaboli dialectica* falcinati, *verbum divinum* deinceps haud a-
liter intuerentur ac *decipulam* male blandientis eloquii,
qua felicitati eorum funestas struxisset *insidias*, DEUM ve-
to ipsum cum cogitarent, nihil aliud sibi imaginarentur,
quam *spiritum* quendam *malignum* nihil nisi *invidiam* &
superbiam spirantem. Ex tam horrenda perversione ac cor-
ruptione intellectus, non poterat non in voluntate exi-
stere tremor & horror cum diro odio conjunctus. Quor-
sum cum accessisset *predominium representationum sensua-*
lium in rationem, tam profunda evadit *miseria*, in quam
per lapsum *præcipitati* sumus, ut nullum plane exitum
exinde potuissemus sperare, nisi DEUS, infinita motus mi-
sericordia, *filium suum unigenitum* dedisset *liberatorem*,
cui satis erat & *sapientæ*, ad refutanda mendacia diaboli,
& *potentie* ad victoram reportandam de fortissimo ty-
ranno, qui miserum genus humanum æctissimis constri-
ctum vinculis in *squalida peccatorum custodia captivum* te-
nebat. Quis tam crassas errorum tenebras dispellere &
veterem *veritatis lucem* accendere potuisset, nisi qui i-
psissima esset *VERITAS* Joh. XIV. 6. & qui initio rerum
dixerat יהי אנו FIAT Lux? Gen. I, 3. Et quomodo ipse

fidem facere potuisset tanto incredulitatis astro percitis;
 nisi illam induisset naturam, qua & oculis videri & au-
 fibus percipi & manibus palpare posset? i Joh. I. 1. Et
 quomodo solis verborum signis de veritate & bonitate
 liberatoris convicti potuissent, nisi quod verbis didic-
 rant, idem factis vidissent confirmatum? Requirebatur i-
 gitur ὅντες προφῆται διατάσσεται λόγων, qui, quod
 inusitata eloquentia docuerat Joh. VI. 46. id stupendis
 demonstrare posset miraculis, quod & ab eo factum es-
 se, tota loquitur Historia Evangelica. Quid? quod neque
 eloquentia perfectissima, neque miraculis potentissimis de-
 monstrare potuisset veritatem & bonitatem Dei, quae in
 quaestione erat, nisi singulis miraculis maxima exhibuis-
 set beneficia (d). Et si vel maxime his tantum profice-
 re potuissent, quantum ad convictionem intellectus requi-
 reretur, parum tamen effectum fuisset, nisi simul μέγας
 προφήτης & μέγας Ἰησούς fuisset, quandoquidem verus &
 vivus AMORIS sensus locum habere nequit quamdiu pec-
 catorum conscientia animum coquit & angit. Quem enim
 metuimus, eum odio habere solemus, certe plenis amo-
 ris velis in alium ferri non possumus, quam in eum, ex
 quo nulla mala, multa vero bona expectamus. Ex quo
 vero οὐ λόγος, ad nos misitus Patris Cœlestis ORATOR, (e)
 cœlestem veritatem suo ipsius Sangvine confirmaverat,
 eoque ipso optatum paraverat lavacrum, quo omnia no-
 stra peccata ita ablui possent, ut simul cum ablatione
 priorum sordium existeret & voluntas & facultas evitan-
 di peccata prioribus similia, fieri & debuit & potuit,
 ut AMOR & sincerus & perpetuus exardesceret. Ubi ve-
 ro amor Dei fixas egit radices, ibi non potest non dul-
 cis & suavis obedientia mandatorum sequi. Talis est ille,
 qui personam EXANINATORIS in Examine Pastorali, quod
 hic

hic describimus, gessit. Plura addere prohibet festi-
natio.

(a) Regnum Dei opponitur regno Diaboli. Illius cives sunt homines regeniti, justificati & sanctificati, hujus vero omnes irregeniti, sive securi, sive excitati fuerint, sive spurca peccati mancipia fuerint, sive exteriorem honestatis speciem præ se ferant. Nomine vero regni DEI & regni CÆLORUM nihil aliud, quam verus & vivus intelligitur CHRISTIANISMUS, qui cum demum incipit, cum JESUS CHRISTUS talis vera & viva apprehenditur fide, qualis nobis a PATRE datus est, nimimum ut nostra sapientia, justitia, sanctitas & liberatio, h. e. qui nos vera sapientia, vera justitia, vera sanctitate & vera libertate donat. Quocquot enim cum ita recipiunt, eis dat ἐγώ τέρα Θεός γενέθαι Joh. I: 12. Hæc tina & vera est regeneratio, quæ novam producit creaturam 2 Cor. V. 17. Quoniam vero hæc in gratiam Cædicatorum examinis pastoralis scribimus, hic occasionem arripere placet monendi, ut cum examina instituant cathechetica, id non minus prudenter quam diligenter agant, ut oviulas CHRISTI quam longissime arceant ab errore vulgari, quo homines sibi falso persuadent, Regnum calorum non nisi trans sepulchrum inveniri. Regnum enim Dei ex duabus constat provinciis, quarum altera gracie, altera glorie regnum vocari solet, quæque non specie sed gradibus beatitudinis differunt. Per fidem CHRISTO inserimur, ut in eo sumus tanquam in vite palmites, ejusque virtute multum feramus frumentum. Joh. XV. Vita æterna est in filio Dei. Qui EUM habet, vitam habet æternam Joh. III. 15. 16. 36. Habetur vero per fidem, quæ hujus non futuri est seculi.

(b) Meritoria rectius respicientia quam poenitentia transfertur, quamvis materialiter sumta vocabula haud multum differant. Qui merito, respicit, is deponit nefarium cogitandi & sentiendi modum, quem per lapsum contraximus satisque prolixe descripsimus p. p. §. VIII. pag. 44. 35. et mox quoque verbo tangemus, recipitque verum illum vivendi modum, quem FILIUS DEI partim precepto partim exemplo docuit.

(c) Justum & justitia in Sacris Litteris multo latius patent, quam in Scriptis humanis. Justus enim in illis dicitur, qui omnia viriuti gene-

genera amat & servat, adeo ut justitia etiam benevolentiam & beneficentiam complectatur, ut alias virtutes taceam.

(d) Non ad ostentationem virtutis, sed ad demonstrationem bonitatis sua Jesus admodum volebat miracula. Cæsis vijum, surdis auditum, mutis loquela, mortuis vitam & sic porro restituebat Matth. XI. 5. XV. 30 sqq.

(e) Multum disputari solet de fonte unde hoc nomen hauserit S. Johannes, aliis illud ex *Philosophia Platonica*, aliis ex *Disciplina Gnostica*, aliis ex traditionibus veterum Hebreorum de mysterio Trinitatis, quarum vestigia paraphrases Chaldaicas continere creduntur, ubi voces מָיוֹאָרָה I. מִיאָרָה adhibent, desumptum esse existimantibus. Nos de origine vocis parum solliciti, satis esse putamus, si modo moverimus, Johannem hoc vocabulum, undecunque sumum, valde idoneum judicasse, quo Filius Dei unigenitus, tanquam Patris cœlestis orator describatur. Oratores vero olim Romanis dicebantur, qui nunc legati dicuntur. Qnod filius Dei nomine Patris legationem obierit apud homines, innumera probant testimonia Scripturæ utriusque Federis. Nec dubium est, quin hoc nomen hoc loco hanc notiōnem tueatur, cum in Sacris Litteris nihil sit frequentius, quam usus nominum abstractorum pro concretis. Quum ϕῶς, lux, Dominum, γὸνι Vivificatorem, libertas Liberatorem, sanctitas Sanctificatorem significet, quid obstat quominus Λόγος verbum, significet oratorem, quum verbum per se mentis sit interpres. Duabus vero vicibus Patrem manifestavit filius Dei I:mo creando 2:do redimendo mundum. Ad utrumque respexit Paulus his verbis: ὁ Θεὸς ὁ ἐπών ἐκ σωτῆρος ϕῶς λαμψάσ, ὁ ἔλαμψεν ἐν τῷ παρθένῳ ιησοῦ, πρὸς φωτισμὸν τῆς γνώσεως τῆς δόξης τῷ Θεῷ ἐν προσώπῳ Ἰησῷ χριστῷ. Neque contextus apud Johannem hanc notiōnem interpretationem respuit, sed potius requirit. Commate enim 18 scribit: Deum nemo vidit unquam, unigenitus filius qui est in sinu Patris, ἐκεῖνος ἐξηγήσατο. Quid aliud ex sinu Patris deportavit & exposuit in mundo, quam quod ibi immediata didicit experientia, sic Deum dilexisse mundum, ut filium unigenitum pro vita ejus tradere non recusaret Joh. III. 16. μὴ λογίζεσθος αὐτοῖς τὰ παρεπτόματα αὐτῶν καὶ θέμενος ἐν ήμῖν τοις λόγον τῆς παταλλαγῆς. 2 Cor. V. 19.